



ПРЯВНО  
КО СВАТОМУ  
ПРИЧАЩЕНИЮ



УДК 27-549  
ББК 86.37  
П68

Рекомендовано к публикации  
Издательским Советом  
Русской Православной Церкви  
№ ИС Р15-545-3697

**Правило ко Святому Причащению.** — Изд.  
П68 2-е, дораб. и доп. — М. : ДАРЪ, 2017. — 128 с. —  
(Молитвенный покров). — 6+.  
ISBN 978-5-485-00540-5

Сборник молитв, читаемых перед Таинством Святого Причащения, а также благодарственные молитвы, читаемые после Причащения. Издание выполнено в удобном формате, текст набран крупным шрифтом, в нем проставлены ударения.

**УДК 27-549**  
**ББК 86.37**

ISBN 978-5-485-00540-5

© Издательство «ДАРЪ», 2009  
© ООО ТД «Белый город», 2017

## СОДЕРЖАНИЕ

Канон покаянный ко Господу нашему Иисусу Христу .....	5
Канон молебный ко Пресвятой Богородице, поемый во всякой скорби душевной и обстоянии.....	22
Канон ангелу хранителю.....	45
Последование ко Святому Причащению .....	63
Благодарственные молитвы по Святому причащению .....	112

# КАНОН ПОКАЯННЫЙ

ко Господу нашему  
Иисусу Христу\*

Глас 6-й

Песнь 1

*Ирмос*: Яко по сѹху пешешествовав Израиль, по бѣздне стопами, гонителя фараона видя потопляема, Бѳгу побѣдную песнь поим, вопияше.

*Припев*\*\* : Помилуй мя, Бѳже, помилуй мя.

---

\* На пасхальной седмице каноны покаянный, Богородице и Ангелу хранителю заменяют канонами Пасхи.

\*\* В канонах припев как молитвенное воззвание произносится перед первым и вторым (и третьим, ►

Ны́не присту́пих аз грѣшный и обременѣнный к Тебѣ, Влады́це и Бо́гу моему́; не сме́ю же взира́ти на не́бо, то́кмо молю́ся, глаго́ля: даждь ми, Го́споди, ум, да пла́чуся дел мо́их го́рько.

Помі́луй мя, Бо́же, помі́луй мя.

О, го́ре мне грѣшному! Па́че всех челове́к ока́янен есмь, пока́янія несть во мне; даждь ми, Го́споди, слѣзы, да пла́чуся дел мо́их го́рько.

Сла́ва Отцу́ и Сы́ну и Свято́му Ду́ху.

Безу́мне, ока́янне челове́че, в ле́ности вре́мя губи́ши; помы́сли жити́е твоѣ, и обрати́ся ко Го́споду Бо́гу, и пла́чися о дѣлех тво́их го́рько.

И ны́не и прісно и во ве́ки веко́в.

Ами́нь.

---

*когда он есть) тропарём каждой песни, но не читается перед тропарями, начинающимися со Слава Отцу и Сыну и Святому Духу или И ныне и присно и во веки веков. Аминь.*

Ма́ти Бо́жия Пречи́стая, воззри́ на  
мя грéшнаго, и от се́ти диáволи из-  
ба́ви мя, и на путь покая́ния наста́-  
ви мя, да пла́чуся дел мо́их го́рько.

### Песнь 3

*Ирмо́с:* Несть свят, я́коже Ты, Го́-  
споди Бо́же мой, вознесы́й рог ве́р-  
ных Твои́х, Бла́же, и утверди́вый нас  
на ка́мени испове́дания Твоего́.

Поми́луй мя, Бо́же, поми́луй мя.

Внегда́ поста́влени бу́дут престóли  
на Суди́щи Стра́шнем, тогда́ всех  
челове́к дела́ облича́тся; го́ре та́мо  
бу́дет грéшным, в му́ку отсыла́емым;  
и то ве́дущи, душе́ моя́, пока́йся от  
злых дел твои́х.

Поми́луй мя, Бо́же, поми́луй мя.

Пра́ведницы возра́дуются, а грéш-  
нии воспла́чутся, тогда́ никто́же

возмóжет помощí нам, но дела́  
на́ша осудят нас; тёмже прёжде кон-  
ца́ пока́йся от злых дел твои́х.

Сла́ва Отцу́ и Сы́ну и Свято́му Ду́ху.

Увы́ мне великогрéшному, íже  
дéлы и мы́слими оскверни́вся, ни  
ка́пли слез имéю от жестосéрдия;  
ны́не возни́кни от земли́, душе́ моя́,  
и пока́йся от злых дел твои́х.

И ны́не и прíсно и во ве́ки веко́в.  
Ами́нь.

Се, взывáет, Госпоже́, Сын Твой,  
и поучáет нас на до́брое, аз же грéш-  
ный добра́ всегда́ бе́гаю; но Ты, Ми-  
лостивая, помíлуй мя, да пока́юся  
от злых мои́х дел.

### **Седален, глас 6-й**

Помышляю́ день стра́шный и пла́-  
чуся дея́ний мои́х лука́вых: ка́ко от-

вещаю Безсмертному Царю, или  
кóим дерзновéнием воззрю на Су-  
дию, блудный аз? Благоутрóбный  
О́тче, Сы́не Единорóдный и Ду́ше  
Святы́й, помíлуй мя.

Сла́ва Отцу́ и Сы́ну и Свято́му  
Ду́ху, и ны́не и прísно и во вéки ве-  
кóв. Амíнь.

## Богородичен

Свя́зан мно́гими ны́не плени́цами  
грехóв и содержи́м лю́тыми страсть-  
ми́ и бедáми, к Тебе́ прибега́ю, моему́  
спасéнию, и вопи́ю: помози́ ми, Де́во,  
Ма́ти Бо́жия.

## Песнь 4

*Ирмо́с:* Христóс моя́ síла, Бог и  
Госпо́дь, честна́я Це́рковь боголе́п-  
но поёт, взыва́ющи от смýсла чýста,  
о Го́споде прáзднующи.



Помілуй мя, Бо́же, помілуй мя.

Широ́к путь зде и уго́дный сла́сти творіти, но го́рько бу́дет в послéдний день, егда́ душа́ от тéла разлучáтися бу́дет: блюди́ся от сих, челове́че, Ца́рствія ра́ди Бо́жия.

Помілуй мя, Бо́же, помілуй мя.

Почто́ убо́гаго обідиши, мзду наёмни́чу удéржуеши, бра́та твоего́ не лю́биши, блуд и го́рдость го́ниши? Оста́ви у́бо сия́, душе́ моя́, и пока́йся Ца́рствія ра́ди Бо́жия.

Сла́ва Отцу́ и Сы́ну и Свято́му Ду́ху.

О безу́мный челове́че, доко́ле углеба́еши, я́ко пчела́, собира́ючи бога́тство твоё? Вско́ре бо погі́бнет, я́ко прах и пéпел: но бо́лее взыщи́ Ца́рствія Бо́жия.

И ны́не и прѣсно и во вѣки веко́в.  
Ами́нь.

Госпоже́ Богоро́дице, поми́луй мя грѣшнаго, и в добродѣтели укрепѣ, и соблюди́ мя, да на́глая смерть не похѣтит мя негото́ваго, и доведи́ мя, Дѣво, Царствія Божія..

## Пѣснь 5

*Ирмос:* Божіим свѣтом Твоім, Блаже, у́тренюющих Ти ду́ши любóвию озари́, молю́ся, Тя вѣдети, Сло́ве Божій, істиннаго Бóга, от мра́ка грехóвнаго взыва́юща.

Помілуй мя, Бо́же, поми́луй мя.

Вспомяни́, окая́нный челове́че, ка́ко лжам, клеветам, разбо́ю, нѣмо́щем, лю́тым зверѣм, грехóв ради порабо́щен еси́; ду́ше моя́ грѣшная, то́го ли восхотѣла еси́?

Помілуй мя, Бо́же, помілуй мя.

Трепéщут ми ўди, всіми бо сотво-  
ри́х вину́: очі́ма взира́яй, уші́ма  
слы́шай, язы́ком злая́ глаго́ляй, все-  
го́ себе́ ге́енне преда́й; ду́ше́ моя́  
gréшная, сего́ ли восхотéла еси́?

Сла́ва Отцу́ и Сы́ну и Свято́му  
Ду́ху.

Блудника́ и разбо́йника ка́ющаяся  
прия́л еси́, Спа́се, аз же еди́н лéно-  
стию грехо́вною отягчи́хся и злым  
дело́м порабóтихся; уше́ моя́gréш-  
ная, сего́ ли восхотéла еси́?

И ны́не и прісно и во ве́ки веко́в.  
Ами́нь.

Ді́вная и ско́рая помо́щнице всем  
челове́ком, Ма́ти Бо́жия, помози́  
мне недосто́йному, ду́ша́ бо моя́  
gréшная того́ восхотé.

## Песнь 6

*Ирмос:* Житѣйское море, воздвизаемое зря напастей бурею, к тихому пристанищу Твоему притек, вопию Ти: возведи от тли живот мой, Многомилостиве.

Помилуй мя, Бóже, помилуй мя.

Жити́е на земли́ блудно пожих и ду́шу во тьму преда́х, ны́не у́бо молю́ Тя, Милостивый Влады́ко: свободи́ мя от рабо́ты сея́ вра́жия, и даждь ми ра́зум твори́ти во́лю Твою́.

Помилуй мя, Бóже, помилуй мя.

Кто творит такова́я, я́коже аз? Я́коже бо свини́я лежи́т в калу́, та́ко и аз греху́ служу́. Но Ты, Го́споди, исторгни́ мя от гну́са сегó и даждь ми се́рдце твори́ти за́поведи Твоя́.

Сла́ва Отцу́ и Сы́ну и Свято́му Ду́ху.

Восприя́ни, окая́нный челове́че, к Бо́гу, воспомина́в сво́я согреше́ния, припа́дая ко Творцу́, слезя́ и стеля́; Той же, я́ко милосе́рд, даст ти ум зна́ти во́лю Свою́.

И ны́не и прісно и во ве́ки веко́в.  
Ами́нь.

Богоро́дице Де́во, от ви́димаго и неві́димаго зла сохрани́ мя, Пречи́стая, и приими́ моли́твы моя́, и донеси́ я Сы́ну Твоему́, да даст ми ум твори́ти во́лю Его́.

### **Кондак**

Душе́ моя́, почто́ грехами́ богатее́ши, почто́ во́лю диа́волю твори́ши, в чесо́м наде́жду полага́еши? Преста́ни от сих и обрати́ся к Бо́гу с пла́чем, зову́щи: милосе́рде Го́споди, помі́луй мя грешнаго.